

21. oktober 2021

UKA2021/107

Nuna tamakkerlugu Aasianni inuussutissarsiornermik ilinniarfiliortoqassappat pittaqaqaanik ajoqutaanillu nassuiaammik UPA2023-imi saqqummiusseqqullugit Naalakkersuisut peqquneqarnissaannik Inatsisartut aalajangiiffingisassaatur siunnersuut. Naalakkersuisut nalunaarusiornerminni ilinniartitaanerup iluani inuussutissarsiornermik ilinniarfimmik nutaaliorfiusumik nutaamik sanasoqarnissaanut pisariaqartitsisoqarnera eqqarsaatigissavaat. (Inatsisartuni ilaasortaq Kristian Jeremiassen, Inuit Ataqatigiit)

Siumup Inatsisartuutitaasa siunnersuuteqartoq Kristian Jeremiassen, Inuit Ataqatigiit qutsavigiumavaat soqutigintumik Inatsisartunut qaqitsineranut.

Nunatsinni ilinniartitaaneq inersartuartaqarparput minnerunngitsumik inuussutissarsiuutitigut ilinniartitaanerit eqqarsaatigalugit.

Siumumiik pingaartipparput ilinniakkat suulluunniit siunissami inuussutissarsiuutaanissaat tassami ilaatigut ajoraluurtumik takusareerparput ilinniakkat sumiiffinni amigaateqarfiusunut ilaanni matussutissaannartut aningaasaliiffineqartartut assersuutigalugu pattattunut ilinniartitaaneq naammassisimagaanni taamaallaat taanna atornerqartarpoq sumiiffinni taamatut pissaaleqiffiusuni matussutissatut kisianni ilinniagaq inuussutissarsiuutit atorfigineqarsinnaanngilaq. Taamaattumik ilinniarfimmik pilersitsissagaanni siunissami inuussutissarsiuutaanissaa qulakkeertariaqarpoq.

Ullumikkut ilinniarfiit ilai naammassinniffiusarput qaffassaqqinnissamut atornerqarsinnaanatik ass. Nunatta isiginnaartitsisarfianni ilinniarsimasut killilerujussuarmik periarfissaqartartut ilinniakkap ullumikkut nunarsuarmi piumasqaataasunut naleqqussarsimanninnera tunngavigalugu. Qujanartumilli tamakkua eqqumaffigiarnerqarput periarfissallu pitsanngorsarneqarlutik.

Ullumikkut aatsitassarsiornermik ilinniarfeqarpugut inerisaasoqaqqissappallu Siumumi piareersimavugut pitsanngorsaaqataassalluta.

Siumumi isumaqarpugut, ilinniakkamik naammassisaqarneq immini pingaaruteqartoq nunattalu ilinniarsimasut atorfissaqartikkai. Nunatsinni nunap immikkoortui isigissagaanni sumiiffiit ilai ilinniarsimassutsikkut annertuumik kinguussaasimapput ingammik angutit eqqarsaatigalugit. Nalilersuisariaqarpugut sumiiffinni suut pisariaqartinneqarpat ass. Takornariaqarnikkut, aatsitassarsiornikkut aalisarnikkullu. Taakkartorneqarsinnaasut amerlapput taakkuali assersuutit taaginnarpakka.

Siumumiik taamatut oqaaseqarluta Naalakkersuisut allannguutissamik siunnersuutaat taperserparput, siusinnerusukkullu naammassineqarsinnaappat aamma ammaffigalutigu.

Doris J. Jensen, Siumut